

# UTDANNINGSFORBUNDET Øygarden

## - Retningslinjer for arbeidet -

### **1. Utdanningsforbundet Øygarden skal vera ei sterk og solidarisk fagforeining**

Lokallaget består av medlemmar frå ulike medlemsgrupper:

Barnehage, grunnskule, vidaregåande skule, fagleg administrativt støttesystem, leiarar i skule og barnehage, vaksenopplæring og pensjonistråd.

#### **1.1. ORGANISASJONSBYGGING**

*Lokallaget skal arbeida med å byggja ein sterk organisasjon som skal fungera godt til beste for alle medlemmane, og støtte opp under og påverka medlemmane sitt fagforeiningsmedvit.*

*Lokallaget skal arbeida for at det er klubb og tillitsvalde på alle arbeidsplassar med grunnlag for det.*

*Lokallaget skal sikra at alle vert ivaretekne gjennom gode kommunikasjonskanalar til tillitsvalde og andre medlemmar.*

*Lokallaget skal samarbeida med andre lokallag, m.a. gjennom nettverkssamarbeidet i Midhordland.*

#### **1.2. OPPFØLGING AV MEDLEMSGRUPPER**

*Lokallaget skal arbeida for å følgja opp dei ulike medlemsgruppene og få til ei organisering som er tenleg for dei einskilde gruppene både i privat og offentleg sektor.*

*Lokallaget skal arbeida for at leiarråd og pensjonistråd er aktive og fungerer godt for medlemmane.*

*Lokallaget skal arbeida for at det arbeidsplassar utan tillitsvalt vert følgd opp.*

#### **1.3. MEDLEMSENGASJEMENT / REKRUTTERING**

*Lokallaget skal arbeida for å verva medlemmar og styrke engasjementet blant medlemmane.*

*Lokallaget skal informera og inspirere til arbeid i klubb og lokallag, og rekruttera tillitsvalde på alle arbeidsplassane der vi har medlemmar.*

*Lokallaget skal skipa til medlemsmøte med aktuelle tema for alle medlemmane og for einskilde medlemsgrupper.*

#### 1.4. SKULERING / KONTAKT MED TILLITSVALDE PÅ KLUBB-NIVÅ

*Lokallaget skal arbeida for at kontakten mellom laget og dei tillitsvalde på arbeidsplassane vert ivareteken på ein god måte.*

*Lokallaget skal arbeida for tenlege møteplassar og nettverk for dei ulike gruppene av tillitsvalde.*

*Lokallaget skal arbeida for å ha engasjerte og godt skulerte tillitsvalde, m.a. ved lokal kursing og oppfølging i møte for tillitsvalde.*

#### 1.5. MEDRÅDERETT

*Lokallaget skal i samarbeid med dei tillitsvalde medverka til at lov- og avtaleverk vert følgd og medråderetten vert sikra i faste drøftingsmøte mellom partane på alle nivå.*

*Lokallaget skal arbeida for eit godt samarbeid mellom arbeidsgjevar og tillitsvalde, tufta på gjensidig tillit og respekt.*

#### 1.6. PROFESJONSETIKK

*Lokallaget skal arbeida for at «Lærerprofesjonen si etiske plattform» skal verta kjend og i bruk i det daglege arbeidet til medlemmane våre.*

*Lokallaget skal medverke til felles forståing av kva yrkesrollene inneber, tydeleggjere det etiske ansvaret som er nedfelt i Lærerprofesjonen si etiske plattform, og vi skal støtte medlemmane og hjelpe dei til å handtere dei utfordringane dei møter i yrka.*

### 2. Utdanningsforbundet Øygarden skal arbeida for gode løns- og arbeidsvilkår og gode arbeidstilhøve

#### 2.1. TARIFF OG FORHANDLINGAR

*Lokallaget skal arbeida for at alle medlemmar har tariffavtale.*

*Lokallaget skal arbeida for at formell kompetanse skal gje uttjeljing.*

*Lokallaget skal arbeida for å sikra alle medlemmane lønsutvikling over tid, og for ei lønsmessig utjamning mellom ulike medlemsgrupper med samanliknbare oppgåver og ansvarsområde.*

*Lokallaget er i prinsippet mot lokale forhandlingar, og lokallaget skal ha ein lønspolitikk basert på kollektive sentrale avtalar. Prioriteringar i lokale forhandlingar skal vera etter kjende objektive kriterium.*

## 2.2. ARBEIDSTID

*Lokallaget skal arbeida for gjeldande arbeidstidsavtalar vert følgd opp i praksis og at dei individuelle arbeidsplanane vert tufta på prinsipp etter drøftingar på den einskilde arbeidsplassen.*

*Lokallaget skal arbeida for det er eit samsvar mellom medlemmane, inkludert leiarmedlemmane, sine tidsressursar og det ansvar og dei arbeidsoppgåver dei er tillagt.*

## 2.3. RESSURSAR

*Lokallaget skal arbeida for gode ordningar for ressurs til tillitsvalde både på arbeidsplassnivå og i lokallaget.*

## 2.4. ARBEIDSMILJØ

*Lokallaget skal arbeida for eit godt fysisk og psykososialt arbeidsmiljø både kommunalt og på den einskilde arbeidsplassen.*

*Lokallaget skal arbeida for at eksisterande system for varsling og avvik er kjende og i bruk på arbeidsplassane når det er trong for det.*

*Lokallaget skal gje arbeidsplassstillitsvalde og verneombod råd i arbeidsmiljøspørsmål slik at dei kan vera positive medspelarar på arbeidsplassen*

## 2.5. EIT INKLUDERANDE ARBEIDSLIV

*Lokallaget skal arbeida for ein god livsfaseorientert arbeidsgjevarpolitikk og medverka til at arbeidsmiljølova §1-1 vert følgd.*

*Lokallaget skal arbeida for at intensjonane i IA-avtalen vert følgd, og at kommunen sin politikk på området vert kjent på arbeidsplassane.*

## 2.6. KOMPETANSE

*Lokallaget skal arbeida for arbeidsgjevar legg til rette for kompetanseutvikling både når det gjeld fag, utviklingsarbeid, metodikk og leining.*

*Lokallaget skal arbeida for vikarar i skule og barnehage skal vera profesjonsutdanna.*

## **3. Utdanningsforbundet Øygarden skal engasjera seg i samfunns- og utdanningspolitikk**

### 3.1. BARNEHAGE- OG SKULEPOLITIKK

*Lokallaget skal engasjera seg i utviklingsarbeid og endring i planar i barnehage og skule samt ha merksemd på innhaldet i opplæringsløpet.*

*Lokallaget skal arbeida for ei betre bemanningsnorm i alle barnehagane i kommunen.*

*Lokallaget skal engasjera seg i utdanningspolitikk sentralt og lokalt og tala på vegne av medlemmane.*

*Lokallaget skal arbeida for at endringar som skjer i barnehagen, skulen eller i organisasjonsstrukturen i kommune eller fylke skal føra til betre arbeidstilhøve for medlemmane.*

*Lokallaget skal arbeida for at ingen medlemmar vert pådrivarar for undervisningsopplegg som bryt med gratisprinsippet.*

*Barnehage og skule er eit offentleg ansvar. Lokallaget skal arbeida for at skule- og barnehageeigar tek ansvar for å følgja opp med pedagogiske og økonomiske rammer som gir høve til å gje eit tilbod som svarer til det einskilde barnet sine føresetnader.*

### 3.2. PÅVERKNAD

*Lokallaget skal gjennom tilgjengelege kanalar aktiv drive påverknad, slik at Utdanningsforbundet sine målsettingar vert synleggjort og ivaretekne.*

*Dette gjeld t.d. saksområde som budsjettprosessar, profesjonsutvikling, metodefridom og metodeansvar, testing, dokumentasjon og satsingsområde.*